



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ ԲՆԱԿԱՆ  
ՊԱՇՏՊԱՆՈՒԹՅԱՆ ՋՐԱՅԻՆ ՏՆՏԵՍՈՒԹՅԱՆ ՊԵՏԱԿԱՆ ԿՈՄԻՏԵ

Հ Ր Ա Մ Ա Ն

09 հուլիսի 2018 թվականի N 84 - Ա

ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ՀԱՂՈՐԴՈՒՄՆԵՐԻ ՀԱՇՎԱՌՄԱՆ ԵՎ  
ՁԵՎԱԿԵՐՊՄԱՆ ԿԱՐԳԸ, ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ԱԶԴԱՐԱՐԻՆ  
ՏՐԿՈՂ ՊԱՇՏՊԱՆՈՒԹՅԱՆ ՄԻՋՈՑՆԵՐԻ ԻՐԱԿԱՆԱՑՄԱՆ ԸՆԹԱՑԱԿԱՐԳԸ ՀԱՍՏԱՏԵԼՈՒ  
ՄԱՍԻՆ

Ղեկավարվելով «Ազդարարման համակարգի մասին» Հայաստանի Հանրապետության  
օրենքի 5-րդ հոդվածի 3-րդ մասով և Հայաստանի Հանրապետության կառավարության 2018  
թվականի մարտի 15-ի N 272-Ն որոշմամբ հաստատված N 1 հավելվածի 1-ին կետով.

Հ Ր Ա Մ Ա Յ ՈՒ Մ Ե Մ

1. Հաստատել ներքին և արտաքին ազդարարման դեպքում հաղորդումների հաշվառման և  
ձևակերպման կարգը՝ համաձայն N 1 հավելվածի:
2. Հաստատել ներքին և արտաքին ազդարարման դեպքում ազդարարին տրվող  
պաշտպանության միջոցների իրականացման ընթացակարգը՝ համաձայն N 2 հավելվածի:
3. Ներքին և արտաքին ազդարարման դեպքում հաղորդումների հաշվառման և  
հաղորդումներին ընթացք տալու համար պատասխանատու սահմանել.
  - 1) Ջրային կոմիտեի իրավաբանական բաժինը.
  - 2) Հայաստանի Հանրապետության էներգետիկ ենթակառուցվածքների և բնական պաշարների  
նախարարության ջրային տնտեսության պետական կոմիտեի աշխատակազմի քարտուղարության  
գլխավոր մասնագետ Լիանա Հունանյանին:

ԿՈՄԻՏԵԻ ՆԱԽԱԳԱՀԻ ՏԵՂԱԿԱԼ  
2018թ. հուլիսի 09

Երևան

ՎՈԼՈՂՅԱ ՆԱՐԻՄԱՆՅԱՆ

## Կ Ա Ր Գ

### ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ՀԱՂՈՐԴՈՒՄՆԵՐԻ ՀԱՇՎԱՌՄԱՆ ԵՎ ԶԵՎԱԿԵՐՊՄԱՆ

1. Սույն կարգով սահմանվում են Ջրային կոմիտեի (այսուհետ՝ Կոմիտե) ներքին և արտաքին ազդարարման դեպքում հաղորդումների հաշվառման, ձևակերպման կարգը (այսուհետ՝ կարգ):
2. Ներքին և արտաքին ազդարարման դեպքում հաղորդումների հաշվառման և հաղորդումներին ընթացք տալու համար պատասխանատու անձանց (այսուհետ՝ պատասխանատու անձ) նշանակում է Կոմիտեի նախագահը՝ հաշվի առնելով Կոմիտեի կառուցվածքային առանձնահատկությունները:
3. Կոմիտեն հաղորդման հաշվառման և հաղորդումներին ընթացք տալու համար պատասխանատու անձանց տվյալները տեղադրում է Կոմիտեի կայքէջում (scws.am):
4. Ներքին և արտաքին ազդարարման դեպքում «Ազդարարման համակարգի մասին» Հայաստանի Հանրապետության օրենքով (այսուհետ՝ օրենք) սահմանված ժամկետներում հաղորդումները պատասխանատու անձի կողմից հաշվառվում են գրանցամատյանում (ձև N 1)՝ համապատասխան գրառման կատարմամբ: Գրանցամատյանում հաշվառվում են նաև այն հաղորդումները, որոնք չեն ներկայացվել Կոմիտե և օրենքով սահմանված կարգով վերահասցեագրվել է Կոմիտեին:
5. Գրանցամատյանում արձանագրվում են հետևյալ տեղեկությունները՝
  - 1) հաղորդման հաշվառման հերթական համարը.
  - 2) հաղորդման ներկայացման օրը, ամիսը, տարեթիվը.
  - 3) հաղորդումը ներկայացրած անձի անունը, ազգանունը և հայրանունը.
  - 4) հաղորդմամբ ներկայացված տեղեկության համառոտ բովանդակությունը.
  - 5) հաղորդման առնչությամբ ձեռնարկված միջոցների ամբողջական նկարագիրը.
  - 6) հաղորդման առնչությամբ ձեռնարկված միջոցների արդյունքը.
  - 7) նշումներ ազդարարին ծանուցելու յուրաքանչյուր դեպքի վերաբերյալ.
  - 8) ազդարարի ստորագրությունը.
  - 9) գրանցամատյանը վարողի ստորագրությունը.
  - 10) հաղորդման առնչությամբ այլ տեղեկություններ:
6. Պատասխանատու անձը համարակալում, ստորագրում, իսկ փաստաթղթային տարբերակով վարման դեպքում՝ նաև կնքում է գրանցամատյանի բոլոր էջերը:
7. Պատասխանատու անձը վարում է գրանցամատյանի փաստաթղթային կամ էլեկտրոնային տարբերակը:
8. Հաղորդման հաշվառման նպատակով կազմվում և վարվում է գործ, որում պետք է պահվեն նաև գրանցամատյանում արձանագրված տեղեկություններին վերաբերող համապատասխան բոլոր նյութերի պատճենները:

## Ը Ն Թ Ա Ց Ա Կ Ա Ր Գ

### Ն Ե Ր Ք Ի Ն Ե Վ Ա Ր Տ Ա Ք Ի Ն Ա Ջ Դ Ա Ր Ա Ր Մ Ա Ն Դ Ե Պ Ք ՈՒ Մ Ա Ջ Դ Ա Ր Ա Ր Ի Ն Տ Ր Վ ՈՂ Պ Ա Շ Տ Պ Ա Ն ՈՒ Թ Յ Ա Ն Մ Ի Ջ Ո Ց Ն Ե Ր Ի Ի Ր Ա Կ Ա Ն Ա Ց Մ Ա Ն

1. «Ազդարարման համակարգի մասին» Հայաստանի Հանրապետության օրենքի (այսուհետ՝ օրենք) 10-րդ հոդվածի 2-րդ մասին համապատասխան՝ ազդարարն ունի իր անձնական տվյալների գաղտնիության, վնասակար գործողություններից և դրանց հետևանքներից պաշտպանության իրավունք:

2. Օրենքի 10-րդ հոդվածի 1-ին մասին համապատասխան՝ ազդարար ֆիզիկական անձին տրվող պաշտպանությունը տարածվում է ազդարար իրավաբանական անձի վրա այնքանով, որքանով այդ պաշտպանությունն իր էությամբ կիրառելի է դրա նկատմամբ:

3. Ազդարարման դեպքում ազդարարի անձնական տվյալները չբացահայտելու նպատակով փաստաթղթաշրջանառությունը կատարվում է Կոմիտեի նախագահի կողմից սահմանված պատասխանատուների միջոցով:

4. Վարույթ հարուցելու դեպքում վարույթ հարուցելու մասին ակտի և վարույթի հետ կապված այլ փաստաթղթերի մեջ չեն նշվում ազդարարման փաստը և ազդարարի անձնական տվյալները:

5. Ազդարարին վնասակար գործողություններից կամ դրանց հետևանքներից պաշտպանելու նպատակով Կոմիտեն իր իրավասության շրջանակներում՝

1) ապահովում է տեղեկությունների գաղտնիությունը.

2) ստեղծում է ազդարարի կողմից իր ծառայողական պարտականությունների անարգել իրականացման համար բավարար պայմաններ.

3) ապահովում է ազդարարին արհեստականորեն հանձնարարականներով չծանրաբեռնելը՝ հանձնարարականների նկատմամբ հսկողություն սահմանելու միջոցով.

4) ազդարարի գործունեությանն անհարկի և ապօրինի միջամտությունների դեպքում ձեռնարկում է դրանց վերացման ուղղությամբ համապատասխան միջոցներ.

5) անհրաժեշտության դեպքում՝ ազդարարին հնարավորության դեպքում տեղափոխում է այլ աշխատասենյակ.

6) ձեռնարկում է համապատասխան միջոցներ ազդարարի աշխատանքային իրավունքների վերականգնման ուղղությամբ, այդ թվում՝ ազդարարին վերականգնում է աշխատանքի, հատուցում նրա կրած վնասները.

7) ձեռնարկում է իրավիճակից բխող՝ ազդարարի պաշտպանությանն ուղղված անհրաժեշտ այլ միջոցներ:

## Գ Ր Ա Ն Ց Ա Մ Ա Տ Յ Ա Ն

### ԱՁԴԱՐԱՐՆԵՐԻ ԿՈՂՄԻՑ ՆԵՐԿԱՅԱՑՎԱԾ ՀԱՂՈՐԴՈՒՄՆԵՐԻ

Հաղորդման հաշվառման հերթական համարը	Հաղորդման ներկայացման օրը, ամիսը, տարեթիվը	Հաղորդման ներկայացման օրը, ամիսը, տարեթիվը	Հաղորդման ներկայացված տեղեկության համառոտ բովանդակությունը	Հաղորդման առնչությամբ ձեռնարկված միջոցների ամբողջական նկարագիրը	Հաղորդման առնչությամբ ձեռնարկված միջոցների արդյունքը	Նշումներ ազդարարին ծանուցելու յուրաքանչյուր դեպքի վերաբերյալ	Ազդարարի ստորագրությունը	Գրանցամատյանը վարողի ստորագրությունը	Հաղորդման առնչությամբ այլ տեղեկություններ
1	2	3	4	5	6	7	8	9	10

\_\_\_\_\_

Կ.Տ.